



17467

I


Mag. St. Dr. P

*Witczak Danielis: Panegyricus ad gloriam
S. Andr. Prochnicki, Archiep. Legat.*

PANEG. et VITAE

Polon.

4²
Æ 736.



PANEGYRICVS.
AD ILLVSTRISSIMVM
ET REVERENDISSIMVM
PATREM AC DOMINVM.
D. A N D R E A M PRO-
CHNICKI, ARCHIEPISCOPVM
LEOPOLIENSEM &c.

DANIELIS WILCZEK:

*Artium liberalium & Philosophiæ in Academia Cracovi-
ensi Baccalauræi.*

BIBLIOTH. UNIV.



UNIVERSITATIS CRACOVIAE



CRACOVIAE.

In Officina Lobij. Anno Domini,

1614.

4. 10.



17467I

Si clypeos, hastasq., potens Gradine, superbis
Laudibus extollis, dum fera bella moues.
Si tibi Threicia parma, Lyciaq. sagitta.
Si lorica trilix, ensis, & agis, amor.
Si sunt delitijs pelta, fortesq. secures:
Sunt gerra Sicula, fabula, suntq. nuga.
Quàm meliora gerit PRÆSVL PRŒCHNICIVS arma:
Flumine ab hoc triplici schismata mersa, cadunt.

CRACOVIAE

In Officina Ioh. Anno Domini

1614

PANEGYRICVS.
ILLVSTRISSIMO AC
REVERENDISSIMO DOMINO,
D. ANDREÆ PROCHNICKI.
ARCHIEPISCOPO LEOPOLIEN:



Rande omninò, humerisq; meis im-
par onus mihi videor sustinere, Præ-
sul Reuerendissime, cùm præsertim
ego, qui neque præstanti ingenio,
neq; collectâ ex vñu frequenti oratio-
nis copiâ, vel aliquâ nominis mei fa-
mâ valeâ, in tolem præstantissimarû tuarû virtutû ve-
nio, atq; illis non fucosis ambitiosisq;, sed veris & syn-
ceris gratulationibus, quas integro amplius semestri, à
quouis hominum ordine, tibi institutas esse intellexi,
vltimò hæce meas adiungo gratulationes. Scio ete-
nim quantùm equestris ordo hilaritatis iam cepert;
dum te, virtutis ductu, diuiniq; impulsu numinis, ad
illustre hoc & sublime Archiepiscopatus Leopoliens-
is fastigium, susceptum esse accepit, vt difficile dictu
sit, quantis gratulationibus altissimum tuæ dignitatis
gradum celebrauerit, amplissimo honori applause-
rit, apertâ lætitiâ animorum, & effusis certatim studi-
is, Senatorium munus extulerit. Hæc enim erat vox,
hic sensus omnium, te, cùm propter cumulatisi-

mas animi virtutes, tùm verò propter excellentis doctrinæ laudem, atq; summi ingenij gloriam, non solum nobilissimæ tuæ familiæ claritatem, equestri ordini splendorem, iucundissimæ patriæ decuse eximium, afferre, sed etiam fidei ac religionis auitæ tutorem ac patronum esse futurum, cuius clientela, tanquam propugnaculum quoddam, atq; murus aheneus contra insidias & impetus audacissimorum hominum, Catholicæ Ecclesiæ constituta esse videretur. Auditione & illud percepi, quantâ frequentiâ, quantaq; animorum propensione ij, qui sacris præsunt, templorumq; sunt Antistites, tibi munus hoc Senatoriû fuerint comprecati. Vna enim hæc erat mens illorum, vnaq; oratio, neminem reperiri posse, tam aptum tamq; idoneum, qui ad clauum Archiepiscopalem, maiori reipub. bono & securitate, consideret, & cum quo communicaret curarum atq; consiliorum partem Senatus, quàm tu esses PROCHNICI; qui & propter prudentiam, quâ provides in difficilimis rebus, posses, & propter sapientiam, quâ semper præcurrebas ætatē scires, & propter authoritatē, quâ plurimū vales apud plurimos, velles, cōsulere, tueri, gubernare, afflictissimā istā temporum calamitate patriam. Peruenit quoq; & illud ad aures meas, quantâ lætitiâ atq; alacritate Ciuū classes ac tribus, à tua Archiepiscopa potissimū triumphantes, atq; effulsiuimē sese obuiam efferentes, faustis ac iucundis acclamationibus, tibi celsam hanc & admi-

& admirabilem honoris laudem gratularentur. Videre mihi videbar pulcherrimum illum diem, cum fausto pede ad illam sublimem Cathedræ maiestatem ingredereris. Deus bone, quantum attulerit gaudiū omnibus hominibus recens tuus in Archiepiscopam ingressus, qui concursus totâ urbe factus, quantâ tenuerit omnem ciuitatem admiratio, quàm humaniter & benignè Sacerdotum ordines, atq; cæterus sacro plenoq; pietatis ornatu venerabiles te consalutauerint, certè, non modò densissima populi frequentia, verùm etiam ipsa templa, ipsaq; aræ patefactæ te propemodum allectare ad se, tibiq; gratulari videbantur. Toto itaq; hoc semestri, omnium ordinum alacritas, vultu, oculis, voce significata, tibi, dignissime Præsul, de amplissimo honore tuo gratulata est, tuamq; istam senatoriam dignitatem, ad memoriam & famam posteritatis insignem, auspiciatissimis ominibus, votisque optatissimis cumulauit. Ego verò, qui ijs artibus ac disciplinis quæ sunt libero dignæ homine, in Academica palæstra instituor, vltimò lætitiæ voluptate videor esse delibutus, cum post omnes ferè faustas atq; iucundas gratulantium voces, spectatissimo tuo honori gratulabundus accurro. Et quanquam nil vereor, ne mea hæc iusta atq; honesta gratulatio, tibi iucunda existat: tamen, quoniam præteruecta iam est aures tuas, omnium ordinum publica lætitia, non quòd peiore in causa verfer timeo, sed quòd loco posteriore.

Nam si Theodorus ille, princeps suæ ætatis scenicorū adduci nunquam potuit, vt concederet primum locum in agendo alteri, qui partium etiam esset vltimarum, quod diceret occupari auditores ab eo, qui primus exisset; quantò maior mihi fuit huiusce oneris ac muneris non deferendi, sed defungendi ratio, cum illorum succedam gratulationi, qui non tantum lætam, verum etiam totam iucundam speciem atq; imaginem in oculis tuis animoq; defixerunt? Sed ego tum tenuitatem atq; inopiam ingenij mei, tum etiam magnitudinem tuam considerans, concepimēte, amplissimum tuum honorem, non fucatā aliquā specie assentationis, aut erudito simulationis artificio, verum breui ac simplici oratione, qualem decet esse gratulationis, adumbrare, vt agnoscas, neq; me popularem auram captare voluisse, neq; etiam aliquod fragile falsæ gloriæ choragium mihi comparare studuisse, neq; in hoc solum ingenij exercitationem, sed etiam honoris tui studium quærere debuisse. Vnde igitur, aut ex quo capite tibi gratulari incipiā? ex quo portu vastum atq; immensum Oceanū virtutū tuarū, quæ tibi amplissimum ac perennem gloriæ peperere fontem, ingrediar? Dicamne Religionem in Deum, quæ te quasi quibusdam contemplationis alis, in altissimum honoris fastigium euexit? Dicam studium atq; amorem sapientiæ, quæ tibi domi sellam curulem, insignia, fasces, authoritatem, splendorem: apud exterarū nationes, nomen & gratiam, permultaq; ornamenta

menta procreauit? dicam deniq; Humanitatem & Liberalitatem tuam, cuius radios, non in proxima tantum loca & vicina, sed in remota & longinqua spargis? Ego enim sic statuo, quatuor has præstantissimas virtutes atq; admirabiles (vt omittam alias, quæ integerimum optimumq; exprimunt sacrorum Antistitem, fileamq; illas, quæ esse possunt aliis exemplo, integritatem, innocentiam, benignitatem, iustitiam, moderationem animi, facilitatem, temperantiam, mansuetudinem, plurimasq; alias, quæ singulæ propè volumē suum, non verò orationem desiderant) quatuor has, inquam, virtutes, fontes & tanquam reginas aliarum omnium, in eo, qui publicis sacerdotiis præest, inesse oportere, Religionem, Curam pastoriciam, Sapientiam, Humanitatem. Atq; quemadmodum illi, qui ædificium benè & ratione extruere elaborant, à fundamento, tanquam à primo & firmissimo principio exordium capiunt; sic ego, qui per laudem tuarum ampla spatia atque vestigia, quasi quodammodò per florentia prata, amantissimosq; hortos læto passu incedere, tuasq; egregia facta, non assentatoriè & simulatè, sed verè & candidè consecrari contendo, ab origine & velut sustentamento virtutum omnium Religione exordiar. Quid enim mirabilius & magnificentius illâ potest inueniri, quæ non tantum tutatur Principes atque reges, sed etiam imperia & regna, & dominationes maximo omnium re-

rum cumulo exornat & amplificat? Quid illâ diuini-
us, quæ salutis nostræ parentē, & authorē Deum in hu-
manū genus proniorē atq; benigniorem efficit? quid
præstantius atq; excellentius, quæ hominum inter se
societatē & coniunctionē, rerum publicarum salutem,
legum integritatē, virtutum denique omniū inuiolatā
consociationē custodit & conseruat? Neque verò im-
meritò veteres illi, maioresque nostri fontem iusti-
tiæ, societatis fundamentum & vinculum, reique
publicæ columen in Pietate situm esse voluerunt: o-
ptimè enim illis exploratum fuit, nullam rationem
præstantiorem esse, quæ efficacius æquitatem regeret,
ritus sacrorum sanciret, cultumque Dei optimum, e-
undemque castissimum atque sanctissimum retineret,
quàm virtutum reginam omnium Religionem, quâ
sublatâ, neque reges, neque imperatores, munera sua
atque officia pro dignitate suscipere & exequi, ne-
que ij, qui in eorum ditione atque potestate sunt
deferre ac persolvere possent. quid? vniuersa re-
rum publicarum salus, atque adeò omnis societas,
communitasque humani generis fluctuaret, ac de suo
statu & vigore temerè iactaretur: siquidem, & Fides,
& excellentissima illa virtus Iustitia, omnesque artes
administræ & comites virtutum, pietate expullâ at-
que exterminatâ, procul omni dubio exularent,
frausq; & fallaciæ, licentia & audacia, proteruitas &
deprauatio, atque, vt vno fasce colligam omnia, ma-
gna

gna confusio hominum, ac infinita rerum omnium perturbatio dominaretur. Quippè, vt in cantu & fidibus bona compositio, etiam bonam harmoniam efficit, quòd si vna chorda rumpatur, totus subito concentus dissonat: sic etiam extinctâ atq; extirpatâ præcipuâ hac virtute Religione, ceteræ corruant necesse est, dum hac vnâ deficiente, omnes res atq; etiam sacrum opus perfectione integritateque suâ exuitur. Est ergo animi medicina Religio, conseruatrice virtutum, expultrice vitiorum, sinè qua non modò res publica, sed omninò hominum vita nequaquam esse potuisset. Hæc nos primùm ad diuinum cultum, deinde ad illud donum DEI, vt Plato aiebat, hoc est, Philosophiam, tum ad modestiam ac clementiam, purè & integrè erudiuit, eademque ab animo, tanquam ab oculis cæcam caliginem, cimmericasque, vt aiunt, tenebras dispulit, vt supèra, infera, prima, vltima, media, videremus. Est verò non dico stolidus atq; amēs, sed impius & improbus, qui cùm à maioribus multa salutariter dicta de ea virtute acceperit, non faciat facilè animi coniecturam, & intelligat, diligenter sibi & sanctè eam esse colendam atq; retinendam, à cuius splendore ac lumine, non secus, atq; ab vno illo sole reliquorum moderatore siderum, omnis lux, omne decus, omnis ornatus deriuatur, tum in iustitiam, tum in splendoras illas artes, quæ instruere animos hominum atq; perficere dicuntur. Quare quantò quis-

piam est maior dignitate, altior honore, illustrior nomine, tantò plura benefico illi numini referre consuevit, quippè cùm mortalium genus omnia naturæ & fortunæ bona ab eo, tanquã à largifluo perenni; fonte vberriimè profluxa acceperit. Scitè hoc equidè, & verissimè omnis Philosophicæ veritatis numè, atq; suæ ætatis facillè Princeps Aristoteles scribens ad suum Regem expressit: dicam id græcè, quo dicam melius:

*Ἀρχαὶ + μὲν λόγος καὶ πατριὸς ἐστὶ πᾶσιν ἀνθρώποις, ἀπὸ τοῦ θεοῦ
τα πάντα, καὶ δ' αὖ ἐκ τοῦ θεοῦ ὑμῖν συνέστηκεν :* *Vetus inquit, & à ma-*

*ioribus acceptus hominibus sermo, quod omnia à D E O
& per Deum sunt nobis constituta.* Enimuerò qui hac bonâ & verâ opinione animum mentemque imbuerit, quomodo Pietatem erga illud numen, cuius imperio atque nutu sola terrarum gubernantur, non habebit? quomodo plenissimo religionis cultu, puraq; & integrâ, atque incorruptâ mente & voce mundi molitorem & effectorem D E V M non venerabitur? Equidem nulla res adeò animos erga cæleste numen componit, quàm Religio, & cui illa in pectus demissa fuerit, omnium virtutum agmen sequitur, ac primùm facilitas quædam animi & tranquillitas, quæ mansuefactos atque excultos mores exprimit & efficit. Quid quòd & Felicitas rerum benè gerendarum ad eximiam Pietatis virtutem adiūgitur? ab omni ævo id obseruatum est, Deum qui se sanctè & religiosè venerantur & colunt, attollere, piisq; & summâ religione præditi viris prospera plu-

rimum euenisse. Itaque vt plura non dicam, neque multorum exemplis confirmem, quantum eius vis & virtus etiam in veteri illa & superstitiosa Religione valuerit, sui que cultores munerauerit, veterum & priuscorum, vt aiunt, virorum exempla testantur: quod si imaginem & speciem Deus in illa honestauit & locupletauit, quid in hac quæ ab omni contaminatâ superstitione est longè aliena, faciet? Philippus sanè Macedo, qui et si tenuis eâ tempestate viribus, neq; adhuc inclytus nomine esset: tamen gradum ad illa vt raque facilè fecit à religionis tutela. Cum enim Phocentes in Græcia Delphico templo præessent, belloque impliciti, thesauros eius DEI veteres & fama celebres tangere, fanaque atque delubra ausi euertere, quid nisi spoliare ac depeculari? ea res in odio & execratione omnium cum esset, solus Philippus non iram, sed vindictam etiam, & arma sumpsit, iuosque lauru coronari iussit, atque ita velut Deo duce, omnes temeratae fidei & religionis hostes in fugâ dissipatos, prostrauit, profudit, occidit: nec multum post opes & regnum obscurum atq; modicum apertissimum validissimumq; Europæ efficit. Quid? C. Fabius Dorso, nonne memorabile seruatae religionis exemplum expressit? Nam Gallis Capitolium obsidentibus, ne statutum Fabiæ gentis sacrificium in illa perturbatione interromperetur, Gabino cultu cinctus, manibus humeriq; sacra ferens, per medias hostium stationes in Quir-

rinalē collem, vbi omnibus solenni ritu peractis, in
 Capitolium post diuinam venerationem, tanquam
 victor victricium armorum rediit Et quisquam dubi-
 tare poterit, quid verà religione profecturi simus, cum
 tantum illi vanà & superstitiosà profecerint? aut
 quàm facilè & prosperè publicæ res administrarentur,
 cum ipsa specie ac vmbra pietatis regerentur? Sed
 quid ego vetera conquiram, cum mihi liceat vti Polo-
 nis exemplis atq; claris? Quid noster ille pientissimus
 Rex BOLESŁAVS CHRABRI? quàm maximas res
 ac propè diuinas religione suffragante est consecutus?
 quis unquam habenas Sarmatici imperii felicius, gu-
 bernacula reipub. gloriosius administravit? Solemus
 sæpè ante oculos ponere, maximeq; admirari, Roma-
 norum imperatorum, exterarum gentium, potentissi-
 morum populorum, atq; clarissimorum regum res
 gestas; huius verò Regis, de quo dicimus, ecquis vn-
 quam virtutes & facinora in rebus bellicis satis de-
 mirabitur? Sæpius enim cum hoste conflixit, quàm
 quisquam cum inimico concertauit, plurà bella gessit,
 quàm cæteri legerunt, plures prouincias confecit,
 quam alii concupiuerunt. ille Boëmos & Morauos de-
 bellauit, ille ad Russicum bellum profectus Iaromi-
 rum tribus præliis victor superauit penitusq; deleuit,
 ille Saxonibus bellum intulit, in qua expeditione Mei-
 deburgum, Misnam, & alia insignia oppida euerit,
 ille Slauos infidē recepit, ille regiones à Slauis ad usq;
 Albim

Albim & Sallam fluuios, & Chersonesum Cymbricam
 quæ nunc Dania seu Dacia est, magna celeritate in
 suam potestatem redegit. Testis est Kiouia insignis ea
 tēpestas vrbs, quæ plurimos hostes ab hoc superatos
 prostratosq; conspexit. testis Bogus ille fluuius sangui-
 ne cælorum à Polonis equitibus fuso redundans. testis
 vt aliam missa faciam, Iaroslauus ille tyrannus & parrici-
 da, dux & antesignanus Russorum, quem fugientem
 persecutus CHROBRI in paludes impulit. At quibus
 auspiciis & ductu: tam longè lateq; Polonia fines pro-
 pagauit? Nonne religionis? religionis, inquam, cui
 tantum studium atq; cura, non solum obseruandæ, sed
 etiam amplificandæ fuit, vt cum ab Italicâ natione
 cum diademate repetito rediisset, permagnoq; atq;
 splendido comitatu Sarcophagum Diui ADAL-
 BERTI martyris inuississet, incredibile est, quan-
 tâ liberalitate & munificentiâ plusquàm regali Basili-
 cam illam à MECISLAO Rege pientissimo erectam,
 exceperit, auxerit, locupletarit. Verumenimuerò vt
 ad te, Antistes dignissime, orationem meam confe-
 ram, non ignorasti tu, quos fructus & præmia vberri-
 ma, sacrarium omnis sanctitatis religio, omnium vir-
 tutum fons & origo, à qua illæ vitæ & spiritû accipi-
 unt, adferat, ideòq; in ea excellere gloriosû sæpè duxi-
 sti, eamq; tantâ curâ, tanto studio, tantâ diligentîâ co-
 luisisti atq; tractasti, vt ab eius præscripto, ne latum qui-
 dem, vt aiunt, vnguem discederes. Nam quis hoc

ignorat, Catholicam semper à te seruata (seruatam dico?) imò verò etiam defensionem, & pro tua virili parte ornatam Religionem ac Fidem? cum tamen non deessent in illà tuà Dioecesi homines schismatici, qui omni machinatione admirabilem tuam sedulitatem, maximamq; in propaganda religione curam & sollicitudinem, irritam infectamq; facere conarentur? Itaq; propiora videamus. Hic verò mihi quàm multa occurrunt? quàm maxima? quot conturbant in hac ipsa in qua veriamur orationis parte dicentem? cum & videā plurima esse omittenda, & vnumquodq; quod occurrit, præterpendam potius atq; attingendum ob constantem omnium famam esse videatur? Multi iam sunt anni, cum sacris es initiatus, atq; in collegium Canonorum Cracouiensium cooptatus, tum ob heroicas tuas virtutes, & egregia in rempub. promerita, Episcopus Camenecensis, maximà animorum consensione atq; alacritate, grauissimoq; PAULI V. Pontificis Maximi iudicio comprobatus, ex quo tempore, quàm sæpè quàm religiosè, quàm sanctè rem diuinā administrabas? quanta pietate cæleste numen venerabāre? totā mente mentē & voluntatē eius consulebas? sacras verò quotidianas preces, quā sedulò & diligenter obibas? vt te assiduè ad sanctorum & Christi exempla limabas? quàm sollicitè in te requirebas, quàm attentè considerabas, ne quid aut faceres, aut diceres, quod aut reprehensum aut reuocatum

catū velles? Agē verò, cū solida veraq; Religio esse nequeat, vbi nō sunt charitatis officia, tu sanē, quanto studio & diligentia hęc munera effecisti? Namq; subleuare egentes in rebus externis, solari afflictos, docere ignaros, dirigere errantes, corrigere delinquentes, nunc contra hostes Ecclesię certamen inire, dimicationem suscipere, ac doctrinam cęlitus traditam animosē tueri atq; propagare, hęc tu quā facilē, quā studiosē executus es? Quid illud? quid? humanū sępē duxisti consulere ciuitatū vtilitati atq; ornamento, regium dare vitam pluribus, & nouam quasi constituere fortunam, arcere mortem, vitam prorogare: illud certē quod in te summum est, prospicere animorum incolumitati, Christum inserere in hominum pectoribus, afferre lucem, expellere tenebras, Apostolicum tantum appellare possumus atq; diuinum. Neq; verò est hęc vt probem: ita enim longē progrediendum esset. testantur id, aut clamant magis tacito quodam præconio eximia tua facta & res, sanctissimamq; animi tui erga Deum religionem & studium, templa atq; arę, quas tu nudas & egenas omnis generis suppellectili & nouis censibus ornasti, auxisti, locupletasti. Equidem crescit mihi rerum copia atq; flumen orationis, cum de tua pietate verba facio, Pręsul Reuerendissime, & quò progredior magis, eò in immensiores me, & ampliores quasi campum laudum tuarum inuehi sentio. Quanquam video, hęc á me dum dicuntur,

tur, imminui potius, quàm non dico exornari, sed explicari oratione, vt satiùs videatur vti silentio. Sic etenim se res habet. Res parue & humiles faciliùs dicuntur ab oratoribus, quàm maximæ & sublimes, quòd illæ abundanti & quadam incredibili varietate rerum & copiâ augeri atq; diduci queunt, maximarum autem talis est ratio, vt quoniam neq; tantæ complecti possunt orando, quantæ sunt, attenuantur potius atq; imminuuntur, tutiùs futurum eas silentio præterire, vt mens ipsa earum sibi magnitudinem depingat cogitatione. Itaq; venio ad illam tuam virtutem, qua boni pastoris perfectam formam atq; imaginem vitæ & moribus, studiis & officiis repræsentasti. Deus immortalis, quot mihi se offerunt hîc templa, quæ tu collapsa & squallore obsita in integrum restituiisti atq; illustrasti? Quot Presbyterorum examina, quæ tu ad religionem consecrabas? quot tyronum ordines atque exercitus, quos tu baltheo sacre militiæ astringebas, in vineamq; Domini ad operandum mittebas? Tu oues Christi sanguine recuperatas, contra rapaces atq; infestantes lupos, qui stabulis sacri gregis assiduè insidiantur, aditumque scrutantur, sanâ doctrinâ obarmasti, tu eas in saluberrimis pratis, & omnium virtutum vernantibus floribus pauiisti, ac ne mala vicini pecoris contagia læderent prouidisti, tu palantes requirebas, dilapsas fulciebas, ægras fouebas, torpentes excitabas, exanimatas reficiebas. Quid autem ad famam

nam & memoriam diuturnam hominum insignius, & ad gloriam Dei præpotentis propagandam illustrius? Quod cum illa tua Diæcesis plena esset Schismaticis, qui se ab unione coniunctioneq; Ecclesiæ Romanæ distraxerunt, tu eam gentem pertinacissimam toto tui præsulatus tempore ad dulcissimum matris sinum atq; gremium reducere conatus es, quodq; vt efficere facilius ac præstare posses, omnia tibi facienda, omnes adhibendas machinas, nihilq; intentatum relinquendum esse duxisti. O rem magnitudine incredibilem, vitio temporum inusitatam, superiore memoriâ inauditam, dignissimam tanto Præule, & eius quodammodò propriam, omnium gentium linguis, monumentisq; annalium atq; literarum consecrandam. Ego enim sic statuo nullam fore tam surdam posteritatem, tam ingratam famam, quæ tuam istam pastorem curam & diligentiam, in cælum debitis laudibus non efferat, & dum PROCHNICIORVM nobilissima familia atq; genus, dum Episcopæ Camenecensis nomen extabit, ANDRÆ PROCHNICII Archiepiscopi incredibile studium, admirabilis feruor, miranda sedulitas in defungendo munere pastoricio nominabitur. præcesserit verò deflagratio cæli atque terrarum, quàm extingatur tam insignium facinorum memoria, aut obliuione deleatur. Quoniam de Religione & Cura pastoralis, immortalibus dignitatis atq; nominis tui ornamentis,

dixi, nunc de tua insigni sapientia, pauca & timide dicam. Etenim quæ tanta potest exiliter ubertas ingenij, quæ tanta facultas orationis & grauitas, quod tam aureum & incredibile verborum & sententiarum flumen, quò quisquam possit tuam omnium opinione præclaram, diuino iudicio immortalitate dignam Sapientiam, productè & fidenter, non dicam exornare orando, sed percensere numerando? Nam tu postea quàm acre ingenium á natura, & velox, & acutum, accepisses, non, vt solent viri nobiles, primoribus labris degustaueras & attigeras, sed diligentissimorum Philosophorum more, omnem eorum scientiam atq, artem tam reconditam, tam subtilem, tam multiplicem, ita celeriter animo arripuisti, ita mente comprehendisti, ita memoriâ sepiisti, ac si cuncta reminiscentiâ quadam recognolceres, nihilque haberes discendum tempore docendi. Testantur id permulti viri sapientissimi, quibuscum tu ab ineunte ætate sæpè de rebus obscurissimis ac difficillimis audire scientissimos & nulla in re rudes viros consueuisti. testatur bibliotheca tua refertissima libris optimis, & illa, illa, inquam, lucerna socia lucubrationum tuarum & particeps, libri denique ipsi, quos tuis manibus frequenter triuisti. Sensisti profectò cum illo Archytâ Pythagoreo, sapientiam esse cognitionem numinis, rerumq, diuinarum, ac prudentiam humanarum rerum, atque eorum, quæ ad vitam benè sanctèque instituendam refe-

referuntur. Itaque cū alii voluptatibus corporum irretiti, multarum ac mirabilium rerum scientiam & cognitionem neglexissent, tu iucunditate quadam illius perfusus, incredibili ardore omniq; ingenii animiq; contentione ad eam flagrabas: illi conuiuiorum munificentia atq; ludorum spectaculis sese oblectabant, tu disciplinis scientiisq; honestissimis perdiscendis animum satiabas atque explebas: tu abditus tectis defixis oculis aut sedens optimorum doctissimorumq; authorum libris intentus doctrinam hauriebas, illi otio hebescentes, delitiis liquecentes, caducarum rerum affluentes blandimentis & lenociniis, vix minimam partem scientiæ cognoscebant: tu elucubrans magis atque magis vires animi contendebas ad ea percipienda, quæ velles, illi immoderato victu obruti, summoque somno oppressi stertebant. Quare quantum hisce studiorum ac disciplinarum facultatibus præstiteris, non solum id vniuersa Sarmatia, verum etiam maxima pars Italiæ testificatur. Quid enim Polona Respub. de tua præstanti sapientiâ opinatur, quâ tu utilitati atque ornamento eius sæpè prouidisti? Quid Rex? quid Curia? quæ cū grauissimis de rebus aliquando consultasset, ab illa sententiam expetiuit? quid Podolia, quam infestam Valachorum atque Scytharū excursionibus, non terrore belli, neq; auxiliariis copiis, sed celeritate consilii toties à metu explicasti? quid illud totius Italiæ lumen Neapolis,

polis, in qua sapientiæ, industriæ atque integritatis
tuæ præclara dogmata reliquisti? quid iterum & sæ-
piùs opinatur de te potentissimus Rex SIGISMVNDVS,
cuius tu ac Reipub. nomine, sumptuosam atque labo-
riosam legationem Neapolim urbem illam & natura,
& situ, & vetustate originis, omni que doctrina libe-
rali atque urbanitate imprimis nobilem suscepisti?
quamque ita gessisti, vt summâ fide & prudentiâ man-
data Regis exposueris, incredibili dicendi copiâ atq,
grauitate sapientissimos ciues tenueris, & in te omni-
um ora atque propensos animos conuerteris, & egre-
giam animorum voluntatem erga Regem vniuer-
samque Poloniam excitâris atque inflammâris: neque
verò hæc in priuatam laudem atque gloriam deriuari,
sed omnia ad ornamentum, honorem, ac splendorem
charissimæ patriæ tuæ referri atque conuerti volueris.
Memorare hîc vos possem in præsentîâ viros Acade-
micos, omni genere scientiarum perfectissimos, quo-
rum consuetudine atque familiaritate, consilio ac sa-
pientiâ PROCHNICIVS fruebatûr, vt neque gratius aut
iucundius quidquam haberet, quàm cum doctissimis
viris assiduè conuersari, suasque cum illis curas & ne-
gotia partiri. possem exponere quanto omnes studio
& amore erga illum incenderemini, cum eius pruden-
tiam in agendo, grauitatem & facundiam in di-
cendo, industriam & celeritatem in conficiendo
experiremini. Quin etiam quàm grauib. vos ille
verbis

verbis, cives amplissimi, quàm sapientibus sententiis detineret, vt illum non sicut aliquem è Poloniâ missum, sed de cœlo delapsum intueremini. Verum hæc omnia, quæ ornatissimè diu, & iucundissimè dici possent, prætermittam: libenter hanc tantam laudum Præsulis faciam iacturam, ne fortè assentandi suspensionem videar incurrere. Itaque vestram hîc ego Neapolitani (nam & apud vos illius ingenii, industria, ac prudentiæ specimen eluxit) sed tamen vestram ego hîc viri ornatissimi, imploro & auctoritatem & fidem: noñe cùm PROCHNICIVM sapientiâ prouidentem, auctoritate grauem, pietate præstantem, maximo rerum usû pollentem, omnibusq; animi, naturæ, fortunæq; præfidiis mirificè instructum videbatis; cum eius vocem, maturumq; in grauissima legatione iudicium atq; industriam audiebatis, Mercurij vobis filium, aut ipsum potiùs Mercurium uidere & audire videbimini? Et fuerunt sanè aliqui, qui excellenti eius atq; admirabili in obeundo legationis munere gloriæ, quæ ita se efferrebat, vt aliquorum claritati atq; splendori officeret, vel detraherent occultè, vel inuiderent apertè. nascentis enim gloriæ comes fuit semper inuidia, vt solis umbra. quæ tamen tua gloria progressionem usâ incredibili; vt Sol, cùm imminet hominis vertici, aut penitùs tollit umbram, aut minimam efficit, sic ipsa, cùm peruenisset ad summum, inuidiam planè omnem extinxit.

Agè porrò Humanitati tuæ atq; Liberalitati quæ potest par oratio inueniri? Et quisquam est cui hæc recondita, inuisa, noua, atq; inaudita uidentur? nisi hoc nouum & insolitum quis existimet, te propter naturam singularem, doctrinâ excellenti & morum mansuetudine mirificè attemperatam, omnibus esse longè charissimum, summis, medijs, infimis, imò ignotis atq; externis. Quis enim politissimam tuam humanitatem non agnouit, aut facilitatem non est osculatus? Quod genus officij erga Religiosas familias, Deo dicatas uirgines prætermisit? quod insignis beneuolentiæ argumentum ministris Ecclesiæ non exhibuisti? Eccui unquam egeno opem, afflicto solatium, non tulisti? cui pupillo, aduenæ, militi, qui ad te conueniendi, inuisendi, & consulendi gratiâ confluebant, domum, aures, arcam deniq; ipsam patere noluisti? Magna profectò mihi esset memorandi copia, quæ à te humano an heroico more facta sunt, uerùm ut dixi, non obscura hæc esse, non noua, non inaudita: ideò nequaquā permit- tam longiùs hac in parte meam vagari orationem. O si posset nunc præstantissima Italicarum urbium Neapolis, per naturam è suis sedibus in occursum tuum prodire, & tuas diuinas actiones numerando percensere, quæ admiranda spectaremus, quas gratias illius, pro immortalibus tuis in suos ciues beneficijs audirem! Quem enim tu calamitate oppressum, e a quæ ad uictum pertinent atq; cultum corrogantem, vacuis à tuo conspectu

conspētu tristē abire iussisti? senferunt egregiam ani-
mi tui utilitatem Cives nobilissimi, experti & libera-
litate viri doctissimi, quos tu amplissimis donis cu-
mulasti. Quid illa tua, quam in summo tui desiderio
reliquisti, Episcopa Camenecensis, cuius Ecclesias
egenas & tenues illustribus & ad splendorem domus
Domini memorabilibus rebus illustrasti atq; exor-
nasti? præ dolore certē quod illi abreptus sis nihil po-
test loqui. Te prædicant inopes educatorem suum, in-
genui adolescentes, quos tu liberali impensâ optimis
disciplinis imbuendos curas, Mecænatem appellant,
te clerus patrem & patronum, nobilitas tutorem,
plebs altorem nominat. Non est mei ingenij, in quo
eloquentissimi quiq; exterorum primas partes quæ-
runt, commemorare, quàm præclara immortalitatis
tuæ principia ieceris, & quàm multorum antiquorum
gloriam in certamen euocaueris dum esses in Belgio,
quod tamen dum breuiter commemoro, refice quæ-
so, Amplissime Præsul, tuum animum, redintegra iu-
cundam memoriam tuorum benefactorum, studium
illud tuum erga doctissimum virum renoua. at quem
& quantum virum? IUSTVM LIPSIVM præclarum in
græcis, nobilem in latinis literis, & ut sine inuidiâ
dicam Phœnicem eruditorum nostri sæculi hominum;
hunc non satis erat uiuum in delicatiori quodam bene-
uolentiæ sinu fouisse, nisi mortui virtutem, & sarcopha-
go magnificè extructo, & arâ Deiparæ Virginis illi pro-
ximâ

ximâ regio ferè sumptu decoratâ honoraffes. O admirabilem humanitatem, mirabiliorem liberalitatem, O constantem in amandis doctissimorum virorum ingenijs voluntatem & studium. Etiamne IUSTE Lipsi, liberalissimi Præsulis in te beneficentia unâ tecum mori atq; extingui non potuit? etiamne insignis tua sapientia post funera optimorum patronorum bonitate splendet? Equidem nihil est amabilius virtute, nihil præstantius sapientiâ, nihil quod magis alliciat homines ad diligendum, quippè, cum propter virtutem ac sapientiam, eos etiam quos viuos amicè dileximus, mortuos quodammodò diligamus. Quare cùm tanto virtutum splendore fulgeas, P R O C H N I C I Præsul Amplissime, conscende iam faustis ominibus in celsiorem honoris Ecclesiastici gradum, egredere ex illa angusta & clariori præstantissimarum actionum tuarum sole, superatâ regione, atq; in amplissimam Leopoliensem terram concede, vbi illustrissimos pietatis radios, iucundissimos bonitatis igniculos, efficacissimos charitatis influxus, in generosas oues, seiunctos arietes, ferocientes capros, effundas, proicias, instilles. Non est tibi nouum aut insolitum pascuæ officium, non cathedram ducis te minùs dignam, non magis insulam pretiosis lapillis, quàm pectus prudentiâ, dexteritate, constantiâ, & rerum optimarum cognitione refertissimum geris. Quis ergo verebitur ne tyro inexpertus, aut peregrinus,

nus, vel hospes aliquis in nouam dignitatis lucem, principis Russorum vrbis venias? Imò verò omnes passim conclamant, splendidius iam in te animi & iudicii lumen assurgere atque enitescere, ad religionem propagandam, libertatem Ecclesiæ tuendam, & illam primam Regum Poloniæ vel vnus Casimiri Regis voluntatem sanctissimamq; studium & curam instaurandam, qui schismata funditus è partibus Russiacis tot ante annos satagebat eruere & euellere, illóque omnes suos conatus non dubitauit conuertere, illam, inquam, sanctissimam atq; laudatissimam Regum Polonorum voluntatem instaurabis, vel pulcherrimè à prædecessoribus tuis captam, gloriosissimè perficies, Hæresumq; monstra acriori studio atq; iudustria profligabis. Nosti enim audaciam còercere, iniquitatem comprimere, libidines extinguere, cupiditatesq; maleuolentissimas refrænare. Ille verò splendidissimæ dignitatis & maiestatis tuæ fulgor quoties in interiores mentis recessus sese collegerit, toties gaude tuo isto tam excellenti bono, & fruire hac sublimi felicitate cum fortunâ & gloriâ, tum etiam naturâ & moribus tuis, ex quo quidè maximus te fructus, iucunditasque, atq; immortalitas consequetur in illo sempiterno æuo, vbi fidelis cura, & prompta in oues Christi beneuolètia liberalissimè refunditur, remuneratur. Hanc igitur reliquam partem, hunc postremum actum, vt facis, absolue, Ecclesiam Dei, Rempub. Christianam,

Religionem, patriam, omniaq; bona, sed & nostram
 Academiam, bonorum ingeniorum parentem, opti-
 marum virtutum nutricem, omnisq; liberalis doctri-
 nae Magistram, ornes, serues, tuearis, iisq; in-
 primis compositis, summâ tranquillitate
 & otio, cum sempiternâ laude,
 immortalisq; nominis tui
 gloria perfruâre.



Bz. 1. 12.

Biblioteka Jagiellońska



stdr0022119

